

II - ARABAKO LURRALDE HISTORIKOAREN TOKI ADMINISTRAZIOA

BARRUNDIAKO UDALA

Euskera arloko beka

Alkate-udalburuak, 2019ko irailaren 24ko 391. erabakiaren bidez, euskarazko beken arloan dirulaguntza ematearen deialdia onartu zuen (2018/2019 ikasturtea).

2019ko ekitaldirako aurrekontu orokorrean egitaratzeko udal araudiaren II.eranskinean deialdi hori arautuko duen araudia jasotzen zen, honako hau izanik:

Euskera arloko beka

I. LEGE ETA EKONOMIA ESPARRUA.

Diru-laguntzen 38/2003 Lege Orokorrak, azaroaren 17koak, horrela definitzen ditu diru-laguntzak: Administrazioak pertsona publiko eta pribatuei ematen dien dirua, betiere honako baldintzak betetzen badira:

- Hartzaillearen kontraprestazio zuzenik ez izatea.
- Helburu jakin bat betetzeko, proiektu bat gauzatzeko, jarduera bat burutzeko, jarrera berezi bat hartzeko edo egoera bereziren bati aurre egiteko bideratuta egotea (egina zein egiteke), betiere, hartzailleak aurrez ezarritako betebeharrak material edo formalak konplitu beharko dituelarik.
- Finantza proiektu, ekintza, jarrera edo egoera horren helburua izatea erabilera publikoko eta interes sozialeko jarduera bat edo helburu publikoren bat sustatzea.
- Aipatutako 38/2003 Legearen 9. artikulua xedatzen du, diru-laguntzak eman aurretik, emakida arautzen duten oinarriek ezarritako arauak onartu beharko direla, Legez ezarritako terminoetan. Oinarri hauen xedea da euskara ikastera bideratutako beka emateko esparrua arautzea, Barrundiako udalerrian euskara ezagutza sustatzeko helburuz.

II. BALDINTZA OROKORRAK.

2.1. Barrundiako Udalak beka emango dizkie euskalduntze prozesuan sartuta dauden pertsona guztiei, baldin eta Barrundian erroldatuta badaude.

2.2. 2018-2019 ikasturteko ekitaldian zehar (2019ko urriaren 1era bitarte) egindako ikastaroen arabera onartuko dira beka eta honako terminoetan eskainiko da diru-laguntza:

- a) 2018ko urritik 2019ko irailera bitarteko denboraldian eskatzaileak sei hilabetez baino gehiagoz langabezian edo ikasketa ofizialak egiten izan badira, bekaren zenbatekoa ikasketa gastuen ehuneko 95ekoa izango da gehienez (garraioak eta bestelako gastuak kanpo).
- b) 2018ko urritik 2019ko irailera bitarteko denboraldian eskatzaileak sei hilabetez baino gehiagoz langabezian edo ikasketa ofizialak egiten izan ez badira, bekaren zenbatekoa ikasketa gastuen ehuneko 80koa izango da gehienez (garraioak eta bestelako gastuak kanpo).

Gehienezko beka honako terminoetan zehaztuko da:

- Langabezian edo ikasketa ofizialak egiten izan diren hartzailleak: 1.000,00 euro.
- Langabezian eta ikasketa ofizialak egiten izan ez diren hartzailleak: 800,00 euro.

III. BALIZKO HARTZAILEEN DEFINIZIOA.

3.1. Euskara ikasteko beken hartzaileek baldintza hauek bete beharko dituzte:

- Barrundian erroldatuta egotea.
- Euskara eskoletan ehuneko 75etik gorako asistentzia egiaztatzea edo, hala badagokio, HABE edo gaitasun probak egiaztatzen dituen beste edozein organismo ofizialetan matrikulatuta dagoen ikastaroa gainditu izana egiaztatzea.

IV. 2019AN EUSKARA IKASTEKO BEKEN GEHIENEZKO ZENBATEKOA ETA AURKEZTU BEHARREKO DOKUMENTAZIOA.

4.1. 2019rako esleitutako beken zenbatekoa, guztira, ezin izango da 6.000,00 eurotik gorakoa izan. Epe barruan aurkeztutako eskarien arabera, diruz lagundu beharreko gehienezko zenbatekoa hartarako aurrekontuaren gordailua baino handiagoa bada, laguntza bakoitzaren gehienezko zenbatekoa murriztu egingo da, aurrekontu-gordailuak estali ahal izateko moduko portzentajea.

4.2. Eskaria eta dokumentazioa ekitaldi honetako urriaren 31 baino lehen aurkeztu beharko dira Barrundiako Udalaren Erregistro Orokorrean.

4.3. Hartzaileak honako dokumentazioa aurkeztu behar du:

- Euskara ikasteko beka eskariaren inprimakia.
- Ordainketa egin izanaren agiria.
- Dagokion euskaltegiak igorritako asistentzia-agiria.
- Eskatutako bekarekin eta izan litezkeen beste batzuekin gain-finantzaketarik izango ez dela jasotzen duen zinpeko adierazpena.
- NANaren fotokopia eta hirugarrenaren alta-inprimakia behar bezala beteta, beka lehen-dabizikoz eskatzen bada edo zenbatekoa kontu-korrente berri batean sartzeko eskatzen bada.

V. LAGUNTZENTRAMITAZIOA.

Euskara Udal-zerbitzua arduratuko da Oinarri hauetan araututako beka eskariak tramitatzeaz eta organo eskudunari esleipena proposatzeaz, hala badagokio.

Denen ezagutzarako argitaratzen da.

Ozaetan, 2019ko irailaren 27an

Alkatea
IGOR MEDINA ISASA